

18.3.2026

Ciälkkámuštáttum hammiittásâst riehtiministeriö asâttâssân sämitige vaaljâin nuávdittum monâttâlmist adelum riehtiministeriö asâttâs nubástutmist

Laiđiittâs

Riehtiministeriö táttu tii ciälkkámuš hammiittásâst riehtiministeriö asâttâssân sämitige vaaljâin nuávdittum monâttâlmist adelum riehtiministeriö asâttâs nubástutmist.

Asâttâssân iävtuttuvvojeh lasettemnáál uđđâ ceehih iävtukkâsluvâttâlmist já iävtukkâsucâmušâst. Asâttâs njuolgâdus tast, et maid lahtosijd sämitige vaaljâi valjâluvâttâlmân ucâluvvee olmooš kalga lahteđ jieijâs ucâmušân, iävtuttuvvoo nubástuttemnáál sämitiggelaavâ nubástusâi vuáđuld.

Ton lasseen asâttâs tiättunaddelmân kyeskee njuolgâdusah peividuuččii toin naalijn, et puátteevuodâst valjâid kyeskee aasijn tiedettuuččij haldâttâhlaavâ miäldâsávt kulluuttâssân. Keevâtlávt tot uáivildičij tom, et tiättunadelem tábâhtuuččij vuosâsajasávt viermisijđoin almostuvvee almottâsâiguin.

Tuáváš

Riehtiministeriö asâttâs sämitige vaaljâin nuávdittum monâttâlmist (965/2006) lii adelum sämitiggeest adelum laavâ (sämitiggelaahâ, 974/1995) 40 c § vuáđuld. Sämitiggelaavâ 1.8.2025 vuáimán šoddâm nubástusâi (414/2025) tiet lii tárbu peividiđ riehtiministeriö asâttâs västidiđ nubástum laavâ.

Siämmást asâttâs puávtáččij pyehtid ääigi táásán meid tiättunaddelmân kyeskee oosij peeleeest.

Postiosoite Postadress

Oikeusministeriö
PL 25
FI-00023 Valtioneuvosto
Finland

Käyntiosoite Besöksadress

Meritullinkatu 10
00170 Helsinki
Finland

Puhelin Telefon

0295 16001
Internat.
+358 295 16001

Faksi Fax

09 160 67730
Internat.
+358 9 160 67730

S-posti, internet E-post, internet

kirjaamo.om@gov.fi
www.oikeusministerio.fi
www.justitieministeriet.fi

Ulmeh

Nubástusâiguin peividuuččij asâttâs västidiđ nubástum sämitiggelaavâ. Ton lasseen tiättunaddelmân kyeskee njuolgâdusah puhtuuččii ääigi táásán.

Äigitavlu

Riehtiministeriö táttu, et ciälkkámuš adeluvvoo majemustáá 3.5.2026.

Västidemravvuuh

Kii peri puáhtá adeliđ ciälkkámuš.

Riehtiministeriö táttu, et ciälkkámuš adeluvvoo vuosâsajasávt västidmáin ciälkkámuštáttumân ciälkkámušpalvâlus peht.

Ravvuuh palvâlusân registeristem já palvâlus kevttim várás kávnovej ciälkkámušpalvâlus siijđoin Ohjeet > Käyttöohjeet (Ravvuuh > Kevttimravvuuh) (kevtteetoorjâ: lausuntopalvelu.om(at)gov.fi). Ministeriöh kalgeh ton lasseen vuorkkiđ ciälkkámušpalvâlusâst adelum ciälkkámušâs VAHVA-ääšihaldâšemvuáhádâhân áášán VN/33579/2025.

Jis ciälkkámuš ij lah máhđulâš adeliđ ciälkkámušpalvâlusâst, te ciälkkámuš puáhtá muulsâiävtulávt toimâttiđ ministeriö kirjimkontturân šleđgâpostáin čujottâsân kirjaamo.om@gov.fi tâi poostâ peht čujottâsân PL 25, 00023 Valtioneuvosto (Staatârääđi). Riehtiministeriö táttu, et kirjimkontturân toimâttum ciälkkámušâst mainâšuvvoo äššinummeer VN/33579/2025. Ton lasseen riehtiministeriö táttu, et kirjimkontturân toimâttum ciälkkámuš vuolgâttuvvoo ovdâmerkkân šleđgâpoostâ lahtostiätuvuárkkân Word- tâi PDF-häämist, vai ciälkkámušäššikirje ij siskeeld taarbâšmettumis persovntiäđuid, tego priivaat ulmuu šleđgâpostâčujottâs.

Puoh adelum ciälkkámušah láá vuolgâsajasávt almoliih virgeomâháá tooimâ almosvuodâst adelum laavâ (621/1999) miäldásávt. Ciälkkámušah almostittojeh haavâ almos hahâsiijđoin (valtioneuvosto.fi/hankkeet, tubdâldâh OM057:00/2025). Priivaat ulmuu ciälkkámuš almostitto kuittâg hahâsiijđoin tiätusyejisujâi keežild tuše, jis persovn tom kirjálávt táttu ovdâmerkkân jieijâs ciälkkámuš ohtâvuodâst tâi ton laiđiittâsviestâst.

Ton lasseen puoh ciälkkámušpalvâlusâst adelum ciälkkámušah, fáárun luhâmáin priivaat ulmui ciälkkámušah, láá automatlávt puohâi uáinimnáál ciälkkámušpalvâlusâst. Ministeriö ij almostit kirjimkontturân toimâttum ciälkkámušâid ciälkkámušpalvâlusâst.

Ciälkkámušâst ij koolgâ almottiđ taarbâšmettumis persovntiäđuid. Veikkâ priivaat ulmuu kirjimkontturân toimâtem ciälkkámuš ij almostittuuččii viermist, te ciälkkámuš lii ministeriöst puohâi finnimnâál virgeomâháá tooimâ almosvuodâst adelum laavâ miäldásávt.

Lasetiäđuh

Ráđádellee virgeolmooš Jasmiina Jokinen, jasmiina.jokinen(at)gov.fi, puh 0295 150 056